

玉函山房輯佚書

周禮鄭大夫解詁一卷後漢鄭興撰興字少穎河南
開封人官至建議大夫拜涼州刺史事蹟具後漢書
本傳傳言興好古學尤明左氏周官長於歷數鄭康
成周禮序云大中大夫鄭少穎及子大司農仲師議
郎衛次仲侍中賈景伯南郡太守馬季長皆作周禮
解詁隋唐志不著錄卷末詳今佚已久從康成注輯
錄凡十五節晁公武曰鄭興鄭眾傳抄周禮康成引
之以參釋異同云大夫興也司農者眾也二鄭解詁
無所別卽因題焉少穎遺說存者無多讀其子司農

之遺注固可見家學淵源也歷城馬國翰竹五甫

周禮鄭大夫解詁

漢鄭興撰

天官冢宰第一

小宰

聽稱責以傳辨

傳辨讀爲符別鄭元注

甸師

祭祀共蕭茅

蕭字或爲蕭蕭讀爲縮束茅立之祭前沃酒其上

酒滲下去若神飲之故謂之縮縮浚也故齊桓公

責楚不貢苞茅王祭不共無以縮酒鄭注

脂人

凡祭祀共豆脯薦脯臠肝

肝讀爲判鄭注

醢人

茹菹

讀茹爲茅菹茅初生或曰茹水草鄭注

女祝

掌以時招梗禴禴之事以除疾殃

讀梗爲亢謂招善而亢惡去之

鄭梗口波切禦災

害也

丁度集韻去聲四十二
宥梗字注引鄭與讀

地官司徒第二

小司徒

共茅藉

讀藉爲藉謂祭前藉也易曰藉用白茅无咎

鄭注

巡其前後之屯

讀屯爲課

同上

遂入

以興勑利趾

讀勑為藉鄭注

春官宗伯第三

小司徒

卜葬兆甫龜亦如之

讀龜皆為穿謂葬穿壙也

鄭注陸德明釋文
文選卷二十七顏延之

宋郊祀歌
李善注

大胥

比樂官

讀比爲庀庀具也錄具樂官

鄭注

與同

高聲碇

碇爲袞冕之袞

鄭注

散聲散

散讀爲人短罷之罷

微聲館

館讀爲鶉館之館

並上

天祝

四曰振動

動讀爲董書亦或爲董振董以兩手相擊也

鄭注

文云今倭人拜以兩手相擊如鄭大夫之說蓋古之遺法

七曰奇撻入曰褻撻

奇拜謂一拜也褻讀爲報報拜再拜是也

同上

周禮鄭司農解詁六卷後漢鄭衆撰衆字仲師河南
開封人大中大夫鄭興子官至大司農事蹟具後漢
書本傳與父興並作周禮解詁隋唐書不著錄佚已
久從康成注袁韜六宮各爲一卷凡六卷禮疏引後
漢書云鄭衆賈逵洪雅博聞又以經書記轉相證明
杜氏爲解達解行於世衆解不行然衆所解說近得
其實今范氏無此語禮疏所引殆採從謝承華嶠袁
山嵒書實司農解詁之定論也歷城馬國翰竹吾甫

周禮鄭司農解詁卷一

後漢 鄭衆 撰

周官

書序言成王既黜殷命還歸在豐作周官則此周

官也

賈公彥
廢典

天官冢宰第一

惟王建國辨方正位

別四方正君臣之位君南面臣北面之屬

鄭元注

體國經野

營國方九里國中九經九緯左祖右社面朝後市
野則九夫爲井四井爲邑之屬是也

設官分職

置冢宰司徒宗伯司馬司寇司空各有所職而百
事舉

乃立天官冢宰使帥其屬而掌邦治以佐王均邦國
邦治謂總六官之職也故大宰職曰掌建邦之六
典以佐王治邦國六官皆總屬於冢宰故論語曰
君薨百官總已以聽於冢宰言冢宰於百官無所

不主爾雅曰豕大也豕宰大宰也

膳夫上士二人

詩仲允膳夫

大宰之職掌建邦之六典以佐王治邦國一曰治典
以經邦國以治官府以紀萬民二曰教典以安邦國
以教官府以授萬民三曰禮典以和邦國以統百官
以諧萬民四曰政典以平邦國以正百官以均萬民
五曰刑典以詰邦國以刑百官以糾萬民六曰事典
以富邦國以任百官以生萬民

治典冢宰之職故立其官曰使帥其屬而掌邦治以佐王均邦國教典司徒之職故立其官曰使帥其屬而掌邦教以佐王安擾邦國禮典宗伯之職故立其官曰使帥其屬而掌邦禮以佐王和邦國政典司馬之職故立其官曰使帥其屬而掌邦政以佐王平邦國刑典司寇之職故立其官曰使帥其屬而掌邦禁以佐王刑邦國此左時皆冬無官又無司空以三隅反之則事典司空之職也司空之篇亡小宰職曰六曰冬官其屬六十掌邦事

以八灋法官府一曰官屬以舉邦治二曰官職以辨
邦治三曰官聯以會邦治四曰官常以聽邦治五曰
官成以經邦治六曰官灋以正邦治七曰官刑以糾
邦治八曰官計以弊邦治

官屬謂六官其屬各六十若今博士大史太祝大
樂屬大常也小宰職曰以官府之六屬舉邦治一
曰天官其屬六十是也官職謂六官之職小宰職
曰以官府之六職辨邦治一曰治職二曰教職三
曰禮職四曰政職五曰刑職六曰事職官聯謂國

有大事一官不能獨其則六官共舉之聯讀爲連
古書連作聯聯謂連事通職相佐助也小宰職曰
以官府之六聯合邦治一曰祭祀之聯事二曰賓
客之聯事三曰喪荒之聯事四曰軍旅之聯事五
曰田役之聯事六曰斂弛之聯事官常謂各領其
官之常職非連事通職所共也官成謂官府之成
事品式也小宰職曰以官府之八成經邦治一曰
聽政役以比居二曰聽師田以簡稽三曰聽閭里
以版圖四曰聽稱責以傅別五曰聽殯位以禮命

六曰聽取予以書契七曰聽賣買以貨劑八曰聽
出入以要會官瀆謂職所主之瀆度官職主祭祀
朝覲會同賓客者則自有其瀆度小宰職曰以瀆
掌祭祀朝覲會同賓客之戒其官刑謂司刑所掌
墨辜劓辜宮辜剔辜殺辜也官計謂三年大計羣
吏之治而誅賞之

四曰祿位以馭其士

士謂學士

三農生九穀

三農平地山澤也九穀黍稷秬秠稻麻大小豆大小麥

百工飭化八材

八材珠曰切象曰瑩玉曰琢石曰磨木曰刻金曰鏤革曰剝羽曰析

閒民無常職轉移執事

閒民謂無事業者轉移爲人執事若今傭賃也
邦中之賦

二十而稅一各有差也

幣餘之賦

幣餘百工之餘

匪頒之式

匪分也頒讀爲班布之班謂班賜也

並同上

以九貢致邦國之用一曰祀貢二曰嬪貢三曰器貢
四曰幣貢五曰材貢六曰貨貢七曰服貢八曰旂貢
九曰物貢

祀貢犧牲包茅之屬賓貢皮帛之屬器貢宗廟之
器幣貢繡帛材貢木材也貨貢珠貝自然之物也

服貢祭服旂貢羽毛物貢九州之外各以其所貴

爲華肅慎氏貢楛矢之屬是也

注鄭

嬭音賓

釋文

卑民

切婦也

集韻平聲十七眞嬭字注引鄭司農讀

主以利得民

主謂公卿大夫世世食采不絕民稅薄利之

注鄭

乃縣治象之法于象魏使萬民觀治象挾口而敘之

象魏闕也故魯災季桓子御公立于象魏之外命

藏象魏曰舊章不可忘從甲至甲謂之挾日凡十

日

陳其殷置其輔

殷治律輔爲民之平也

立其兩

兩謂兩丞

大喪贊賄玉含玉

含玉璧琮

三歲則大計羣吏之治而誅賞之

三載考績

並同上

小宰

以官府之六聯合邦治一曰祭祀之聯事二曰賓客
之聯事三曰喪荒之聯事四曰軍旅之聯事五曰田役
之聯事六曰斂弛之聯事凡小事皆有聯

大祭祀大宰贊玉幣司徒奉牛牲宗伯視滌濯滌
玉鬯省牲鑊奉玉盥司馬羞魚牲奉馬牲司寇奉
明水火大喪大宰贊贈玉含玉司徒帥六鄉之衆
庶屬其六糾宗伯爲上相司馬平士大夫司寇前

王此所謂官聯

鄭注

以官府之八成經邦治一曰聽政役以比居二曰聽

師田以簡稽三日聽閭里以版圖四曰聽稱責以傳
別五曰聽祿位以禮命六曰聽取予以書契七曰聽
賣買以質劑八曰聽出入以要會

政如字

文釋

政謂軍政也役謂發兵起徒役也比居

謂伍籍也比地爲伍因內政寄軍令以伍籍發軍
起役者平而無遺脫也簡稽士卒兵器簿書簡猶
閱也稽猶計也合也合計其士之卒伍閱其兵器
爲之要簿也故遂人職曰稽其人民簡其兵器國
語曰黃池之會吳陳其兵皆官帥擁鐸拱稽版戶

籍國地圖也聽人訟地者以版圖決之司書職曰
邦中之版土地之圖稱責謂貸予傳別謂券書也
聽訟責者以券書決之傳傳著約束於文書別別
爲兩兩家各得一也禮命謂九賜也書契符書也
質劑謂市中平賈今時月平是也要會謂計最之
簿書月計曰要歲計曰會故宰夫職曰歲終則令
羣吏正歲會月終則令正月要

鄭注

宰夫

諸臣之復萬且之逆

復請也逆迎受王命者宰夫主諸臣萬民之復逆

故詩人重之曰家伯冢宰

鄭注

掌其牢禮委積膳獻飲食賓賜之殽宰

殽久食也春秋傳曰殽有陪鼎宰牲牢可宰而行

者春秋傳曰餼宰竭矣

正歲則以灋警戒羣吏令脩宮中之職事

正歲之正月以灋戒勅羣吏

書其能者與其良者而以告于王

若今時舉孝廉賢良方正茂才異等

並同

宮正

爲之版以待

爲官府次舍之版圖也待待比也

注鄭

久擊柝而比之

柝戒守者所擊也易曰重門擊柝以待暴客春秋
傳曰魯擊柝聞於邾

國有故則令宿其比亦如之

故謂禍災令宿衛王宮春秋傳曰忘守必危況有
災乎

辨外內而時禁

分別外人內人禁其非時出入

幾其出入

若今時宮中有罪禁止不能出亦不得入及無引籍不得入宮司馬殿門也

會其什伍而教之道藝

道謂先王所以教道民者藝謂禮樂射御書數同
上

春秋以木鐸脩火

絕句

禁凡邦之事蹕宮中廟中則執

燭

讀火絕之禁凡邦之事蹕國有事王當出則宮正
主禁絕行者若今時衛士填街蹕也宮中廟中則
執燭宮正主爲王於宮中廟中執燭鄭注蹕謂止行
者清道若今時蹕蹕文選卷十一潘安
仁藉田賦李善注
宮伯掌王宮之士庶子凡在版者

庶子宿衛之官版名籍也以版爲之今時鄉戶籍

謂之戶版

鄭注

授八次八舍之職事

庶子衛王宮在內爲次在外爲舍同上

膳夫

凡王之饋食用六穀膳用六牲飲用六清羞用百有二十品

羞進也六穀稌黍稷粱麥苽苽彫胡也六牲水漿

醴醢醢醢鄭注

卒食以樂徹于造

造謂食之故所居處也已食徹置故處

王齊曰三舉

齊必變食

大故則不舉

大故刑殺也春秋傳曰司寇行戮君爲之不舉

凡王之稍事設薦脯醢

稍事爲非日中大舉時而間食謂稍事膳夫主設薦脯醢

王燕飲酒則爲獻主

主人當獻賓則膳夫代王爲主君不敵臣也燕義曰使宰夫爲獻主臣莫敢與君亢禮

凡肉脩之頒賜皆掌之

脩脯也

凡祭祀之致福者受而膳之

膳夫受之以給王膳

以犴見者亦如之

以羔鴈雉爲犴見者亦受以給王膳

並同

庖人掌其六畜六獸六禽辨其名物

六獸麋鹿熊麕野豕兔六禽鴈鵠鷄雉鳩鄭注

引鷄在鴈下文選卷三十五

張景陽七命注引與注同

凡其死生蠶燕之物

鮮謂生肉燕謂乾肉鄭注

春行羔豚膳膏香夏行腍鱠膳膏臊

膏香牛脂也以牛脂和之膳乾雉鱠乾魚膏臊豕

膏也鄭注釋文引豕膏也句

內饗

牛夜鳴則廋

也鄭注

豕也鄭注

螻蛄臭也

乃掌其羞脩刑臠胙骨鮓以待共膳

刑臠謂夾脊肉或曰腐肉也骨鮓謂骨有肉者並同

字人

祭祀共大羹鉶羹

大羹不致五味也鉶羹加鹽菜矣鄭注太平御覽卷五百二十四

甸師

王之同姓有辜則死刑焉

王同姓有非當刑者斷其獄於甸師之官也文王
世子曰公族有死罪則啓於甸人又曰公族無官
刑獄成致刑于甸人又曰公族無官刑不踐其類
也刑于隱者不與國人慮兄弟鄭注

獸人

及樊田令禽注于虞中

樊田謂春火樊夏車樊秋羅樊冬徒樊虞中謂虞
人釐所山之野及樊田植虞旗於其中致禽而珥

焉獸人主令田衆得禽者置虞人所立虞旗之中
當以給因時社廟之祭故曰春獻禽以祭社夏獻
禽以享禴秋獻禽以祀飭冬獻禽以享烝又曰大
獸公之小禽私之公之謂輸之於虞中珥焉者取
左耳以致功若斬首折馘故春秋傳曰以數軍實

鄭注

敝人掌以時敝爲梁

梁水偃也偃水爲關空以筍承其空詩曰敝筍在

梁

鄭注

凡厥征入于王府

漁征漁者之租稅漁人主收之入于王府

同

鼈人掌取互物

互物謂有甲而胡龜鼈之屬

鄭注

以時籍魚鼈龜蜃凡貍物

自三月叔刺泥中搏取之貍物龜鼈自經藏伏於

祭祀共麋羴蜃以授醢人

麋蛤也

並同上

膳人

凡祭祀共豆脯薦脯醢脾凡腊物

醢

鄭注 醢 汲古閣注疏本 作脾肉 據校宋本訂正

天官冢宰下

食醫

牛宜稌

稌梗也爾雅曰稌稻

鄭注

魚宜苽

苽彫胡也

同上

酒正

以式灋授酒材

授酒人以其材注鄭

辨三酒之物一曰事酒二曰昔酒三曰清酒

事酒有事而飲也昔酒無事而飲也清酒祭祀之

酒

辨四飲之物一曰清二曰醫三曰漿四曰醕

內則曰飲重醕稍醕清酒黍醕清酒梁醕清酒或以醕爲醴漿水臝后致飲于賓客之醕有醫醕糟

糟音聲與酒相似醫與臆亦相似文字不同記之者各異耳此皆一物

大祭三貳中祭再貳小祭壹貳皆有酌數唯齊酒不貳皆有器量

三貳三益副之也大祭天地中祭宗廟小祭五祀齊酒不貳爲尊者質不敢副益也

凡王之燕飲酒共其計酒正奉之

正奉之酒正奉之也

凡有秩酒者以書契授之

有秩酒者給事中予之酒秩常也常受酒者國語

至于今秩之並同

漿人

水漿醴涼醫醴

涼以水和酒也注鄭

凌人掌冰政

掌冰政主藏冰之政也鄭注故書正為政引鄭司農

秋制

刷除冰室當更內新冰注鄭

選人

朝事之遵其實麴黃白黑形鹽臘鮑魚鱠

朝事謂清朝未食先進寒具口實之遵熬麥曰麴

麻曰黃稻曰白黍曰黑粢鹽以爲虎形故春秋傳

曰鹽虎形

鄭注 文選卷三十五張景陽七命注引朝事至口實之遵

菱茨棗脯

菱茨脯脩

鄭注

糗餌粉茨

鄭注故書糗作茨案鄭司農訓茨爲糗知本作茨也

糗熬大豆與米也粉豆腐也茨字或作糗謂乾餌

餅之也

注鄭

醢人

朝事之豆其實韭菹醢醢昌本麋醢菁菹鹿醢茆菹
麋醢

麋醢麋肝醢醢或曰麋醢醬也有骨曰醢無骨為

醢菁菹韭菹

注鄭注枝宋本
注疏作麋肝

脾析麋醢

脾析牛百葉也麋蛤也

注鄭

溪蒲醢醢菹菹醢

深蒲蒲弱入水深故曰深蒲或曰深蒲桑耳醢醢

肉醬也銘水中魚衣也鄭注釋文引末句有也字

醢食糝食

醢食以酒醢為餅糝食菜餽蒸鄭注

鹽人

祭祀共其苦鹽散鹽

散鹽凍治者鄭注

宮人

為其井匭

匱路廁也

注鄭

掌桎柜再重

桎櫃桎也柜受居水溜洩漿者也

鄭注故書桎爲柜引鄭司農

爲墻墻宮棘門

棘門以戟爲門

注鄭

幕人掌帷幕帷帟綬之事

帟平帳也綬組綬所以繫帷也

注鄭

掌次

設皇邸

皇羽覆上即後版也

鄭注司農本有羽字

朝日祀五帝

五帝五色之帝

鄭注

師田則張幕設案

師田謂諸侯相與師田

凡祭祀張其旅幕張尸次

尸次祭祀之尸所居更衣帳

燕同上

大府

幣餘之賦以待賜予

幣餘使者有餘來還也注鄭

王府

其王之服玉佩玉珠玉

服玉冠飾十二玉注鄭

王齊則共食玉

王齊當食玉屑

大喪共含玉復衣裳角枕角枨

復招魂也衣服生時服招魂復魄于太廟至四郊

角枨角匕也以楔齒士喪禮曰楔齒用角枨楔齒

者令可飯含

掌王之燕衣服衽席牀第凡褻器

衽席單席也褻器清器虎子之屬

並同上

若合諸侯則共夷槃玉敦

夷槃或爲珠槃玉敦飲血玉器

鄭注故書珠爲夷引鄭司農

外府

共其財用之幣齎

齎或爲資今禮家定齎作資

鄭注

司書

授其幣

授當爲受謂受財幣之簿書也

鄭注故書受爲授引鄭司農

職幣

以書楬之

楬之若今時爲書以著其幣

鄭注

司裘爲大裘以共王祀天之服

大裘黑羔裘服以祀天示質

鄭注

中秋獻良裘王乃行羽物

良裘王所服也行羽物以羽物飛鳥賜羣吏

季秋獻功裘以待頒賜

功裘卿大夫所服

並同上

王大射則共虎侯熊侯豹設其鹄

鹄鹄毛也方十尺曰侯四尺曰鹄二尺曰正四寸

曰質

鄭注詩小雅賓之初筵正義引鄭宋馬融

大喪淫裘飾皮車

淫裘陳裘也

鄭注故書麻爲注引鄭司農

等皮

歲終則會其財齎

齋或為資注鄭

內宰

以陰禮教六宮

陰禮婦人之禮六宮後五前一王之妃百二十人

后一人夫人三人嬪九人世婦二十七人女御八

十一人注鄭后正寢在前五小寢在後禮圖卷四

凡喪事佐后使治外內命婦正其服位

外命婦卿大夫之妻王命其夫后命其婦注鄭

凡建國佐后立市設其次置其敘正其肆陳其貨賄

出其度量淳制祭之以陰禮

佐后立市者始立市后立之也祭之以陰禮者市中之社先后所立社也

佐后而受獻功者比其小大與其盛衰而賞罰之
烝而獻功

王
上春詔王后帥六宮之人而生種稭之種而獻之于

先種後熟謂之種後種先熟謂之稭王當以耕種

于藉田

並同上

闔人掌王宮之中門之禁

王有五門外曰皐門二曰雉門三曰庫門四曰應

門五曰路門路門一名畢門

注鄭

凡內人公器賓客無帥則幾其出入

公器將持公家器出入者謂無將帥引之者則苛

其出入

同上

典婦功

及內人女功之事齋

內人謂女御女功事資謂女功絲枲之事

凡授嬪婦功及秋獻功辨其苦良比其小大而賈之物書而揭也

苦讀爲監謂分別其練帛與布紵之纖細皆比方其大小書其賈數而著其物若今時題署物

注鄭

典絲

及獻功則受良功而藏之

良功絲功練帛

注鄭

歲終則各以其物會之

各以其所飾之物計會傳著之

同上

典泉

受苦功

苦功謂麻功布紵

注鄭

內司服掌王后之六服禕衣撝狄闕狄鞠衣展衣緣衣素沙

禕衣畫衣也祭統曰君卷冕立于阼夫人副禕立于東房撝狄闕狄畫羽節展衣白衣也喪大記曰復者朝服君以卷夫大以屈狄世婦以檀衣屈者聲音與闕相似檀與展相似皆婦人之服鞠衣黃

衣也素沙赤衣也

注鄭

縫人掌王宮之縫線之事

線縷也

注鄭

衣接櫝之材

接讀爲𢵿櫝讀爲柳皆棺飾檀弓曰周人牆置𢵿

春秋傳曰四𢵿不蹕

鄭注故書𢵿柳作接櫝引鄭司農

染人

夏絜玄秋染夏

絜讀爲縹謂絳也夏大也秋乃大染

注鄭

追師掌王后之首服爲副編次追衡笄

追冠名士冠禮記曰委貌周道也章市殷道也率
追夏后氏之道也追師掌冠冕之官故并主王后
之首服副者婦人之首服祭統曰君卷立于阼大
人副禕立于東房衡維持冠者春秋傳衡紃紃紃
止鄭

履人

赤纁黃纁青句素屨葛屨

赤纁黃纁以赤黃之絲爲下緣士喪禮曰夏葛屨

冬皮屨皆總緇純禮家說總亦謂以采絲縹其下

鄭注

夏采掌大喪以晁服復于大祖以乘車建綬復于四郊

復謂始死招魂復魄士喪禮曰士死于適室復者一人以爵弁服升自東榮中屋北面招以衣曰畢某復三降衣于前受用篋升自阼階以衣尸喪大記曰復男子稱名婦人稱字唯哭先復言死而哭哭而復葬其復反故檀弓曰復盡愛之道也望反

諸幽求諸鬼神之道也北面求諸幽之義也檀弓
又曰君復於小寢大寢小祖大祖庫門四郊喪大
記又曰復者朝服君以卷夫人以屈狄大夫以玄
纁世婦以禮衣士以爵弁士妻以稅衣雜記曰諸
侯行而死於館則其復如於其國如於道則升其
乘車之左轂以其綏復大夫死於館則其復如於
家死於道則升其乘車之左轂以其綏復喪大記
又曰爲賓則公館復私館不復夏采天子之官故
以冕服復于大祖以乘車建綏復于四郊天子之

禮也大祖始祖廟也

鄭注

玉函山房輯佚書目

卷十八

經編周官禮類

周禮鄭司農解詁

二三四卷

漢鄭衆

周禮鄭司農解詁卷二

地官司徒第二

鄉老二鄉則公一人鄉大夫每鄉卿一人

百里內爲六鄉外爲六遂

鄭注

縣師

四百里爲縣

同上

遺人

遺讀如棄予如遺之遺

鄭注音維釋文

師氏

詩云橋維師氏鄭注

泉府

故書泉或作錢

逐人

遂謂王國百里外

土訓

訓讀爲馴謂以遠方土地所生異物告道王也爾

雅云訓道也

館人

饔人主炊官也特牲饋食禮曰主婦視饔饔故書饔作饔

藥人

藥讀爲犒師之犒主冗食者故謂之犒

並同上

大司徒

其植物宜阜物

植物根生之屬阜物柞栗之屬今世間謂柞實爲

阜斗

鄭注

其有司宜膏物

膏物謂楊柳之屬理致且白如膏

以土圭之灋測土深正日景以求地中日南則景短
多暑日北則景長多寒日東則景夕多風日西則景
朝多陰

測土深謂南北東西之深也日南謂立表處大南
近日也日北謂立表處大北遠日也景夕謂日映
景乃中立表之處大東近日也景朝謂日未中而
景中立表處大西遠日也

並同上

日至之景尺有五寸謂之地中

土圭之長尺有五寸以夏至之日立八尺之表其

景適與土圭等謂之地中今潁川陽城地爲然注鄭

聖學悉達開

元古經卷五

凡建邦國以土圭土其地而制其域諸公之地封疆
方五百里其食者半諸侯之地封疆方四百里其食
者參之一諸伯之地封疆方三百里其食者參之一
諸子之地封疆方二百里其食者四之一諸男之地
封疆方百里其食者四之一

土其地但爲正四方耳其食者半公所食租稅得

其半耳其半皆附庸小國也屬天子參之一者亦然故魯頌曰錫之山川土田附庸奄有龜蒙遂荒大東至於海邦論語曰季氏將代顓臾孔子曰昔者先王以爲東蒙主且在邦域之中是社稷之臣此非七十里所能容然則方五百里四百里合於魯頌論語之言諸男食者四之一適方五十里獨此與今五經家說合耳

鄭注 按宋本作諸子諸男食者四之一

三百畝

不易之田家百畝一易之田家二百畝再易之田家

不易之地歲種之地美故家百畊一易之地休一歲乃復種地薄故家二百畊再易之地休二歲乃復種故家三百畊

鄭注

以荒政十有二聚萬民一曰散利二曰薄征三曰緩刑四曰弛力五曰舍禁六曰去幾七曰省禮八曰殺哀九曰蕃樂十曰多昏十一有一曰索鬼神十有二曰除盜賊

救饑之政十有二品散利貸種食也薄征輕租稅也弛力息徭役也去幾關市不幾也省禮掌客職

所謂凶荒殺禮者也多昏不備禮而娶昏者多也
索鬼神求廢祀而修之雲漢之詩所謂靡神不舉
靡愛斯牲者也除盜賊急其刑以除之饑饉則盜
賊多不可不除也

頒職事十有二于邦國都鄙使以登萬民一曰稼穡
二曰樹藝三曰作材四曰阜蕃五曰飭材六曰通材
七曰化材八曰斂材九曰生材十曰學藝十有一曰
世事十有二曰服事

稼穡謂三農生九穀也樹藝謂園圃毓草木作材

謂虞衡作山澤之材阜蕃謂數牧養蕃為獸飭材
謂百工飭化八材通材謂商賈阜運貨貽化材謂
嬪婦化治絲枲斂材謂臣妾聚斂疏材生材謂閭
民無常職轉移執事學藝謂學道藝世事謂以世
事教能則民不失職服事謂為公家服事者鄭注
選卷二十六陸士衡吳王郎中時從梁棟作詩注
引服事句又卷三十七羊叔子讓開府表注引云
服謂公家之事也

五曰不任之刑六曰不恤之刑

任謂朋友相任恤謂相愛

鄭注校宋本作恤謂相愛

以五禮防萬民之僞而教之中

五禮謂吉凶軍賓嘉

以六樂防萬民之情而教之和

六樂謂雲門咸池大韶大夏大濩大武

凡萬民之不服教而有獄訟者與其地治者聽而斷之其附于刑者歸于士

與有地治者聽而斷之與其地部界所屬吏共聽斷之士謂主斷刑之官春秋傳曰士榮爲大士或謂歸于圜土圜土謂獄也獄城圜

並同上

祀五帝奉牛牲羞其肆

羞進也肆陳骨體也

鄭肆音四

釋文

大喪帥六鄉之衆庶屬其六引而治其政令

六引謂引喪車索也六鄉主六引六遂主六紼

鄭注

小司徒

九比之數

九比謂九夫爲井

鄭注

及三年則大比大比則受邦國之比要

五家爲比故以比爲名今時八月案比是也要謂

其簿

凡起徒役毋過家一人以其餘爲羨唯田與追胥竭
作

羨饒也田謂獵也追追寇賊也竭作盡行

凡國之大事致民大故致餘子

國有大事當徵召會聚百姓則小司徒召聚之餘
子謂羨也

乃經土地而井牧其田野

井牧者春秋傳所謂井衍沃牧熙皐者也

凡民訟以地比正之

以田畔所與比正斷其訟

以攷司空之辟

辟法也

與其連

連讀爲輦

鄭注故書輦爲連引鄭司農

及葬執殯以與匠師御匱而治役

翺羽葆幢也爾雅曰翬翬也以指麾輓柩之役正

其行列進退

鄭注

及窆執斧以立匠師

今本作以斂注引司農立讀爲泣則司農本作立也

窆謂下棺也春秋傳曰日中而壙禮記所謂封者

立讀爲泣泣謂臨視也

鄭注

而賜萬民之難阨

賜讀爲周急之周

同上

鄉大夫之職

萬二千五百家爲鄉

鄭注

國中自七尺以及六十野自六尺以及六十有五皆
征之其舍者國中貴者賢者能者服公事者老者疾

者皆舍以歲時入其書

征之者給公上事也舍者謂有復除舍不收役事也貴者謂若今宗室及關內侯皆復服公事者謂若今吏有復除也老者謂若今八十九十復減卒也疾者謂若今癰不可事者復之

三年則大比攷其德行道藝而興賢者能者鄉老及鄉大夫帥其吏與衆以禮禮賓之

興賢者謂若今舉孝廉興能者謂若今舉茂才賓敬也敬所舉賢者能者

退而以鄉射之禮五物詢衆庶一曰和二曰容三曰主皮

詢謀也問於衆庶寧復有賢能者和謂閨門之內行也容謂容貌也主皮謂善射射所以觀士也

大詢于衆庶

涉範所謂謀及庶民

並同上

州長各掌其州之教治政令之灋

二千五百家爲州論語曰雖州里行乎哉春秋傳

曰鄉取一人焉以歸謂之夏州

鄭注

以贊鄉大夫廢興

贊助也

同上

黨正各掌其黨之政令教治

五百家爲黨論語曰孔子於鄉黨又曰闕黨童子

注鄭

以歲時涖校比

校比大師職所謂以時屬民而校登其族之夫家

衆寡辨其貴賤老幼廢疾可任者及其六畜車輦

如今小案比

同上

族師各掌其族之戒令政事

百家爲族

鄭注

閭胥各掌其閭之徵令

二十五家爲閭

鄭注

封人

設其楅衡置其綯

楅衡所以楅持牛也綯著牛鼻繩所以牽牛者今

時謂之雉與古者各同皆謂夕牲時也

鄭注

歌舞物及毛炮之豚

上同

鼓人

以雷鼓祀神

蕭崇義三禮
圖卷二十

肅崇義三禮
卷二十

以靈鼓社祭

鼙鼓四面

以路鼓鬼享

上海

上並同

舞師

教皇舞

皇舞蒙羽舞書或爲聖或爲義

鄭注

牧人

以其祭祀之牲牷

牲體完具

鄭注

凡陽祀用騂牲毛之陰祀用黝牲毛之

陽祀春夏也黝讀爲幽幽黑也

鄭注

卷五百二十四 太平御覽

黝音幽

釋文

牛人

凡祭祀共其享牛求牛

享牛前祭一日之牛也求牛禱於鬼神所求福之

牛也

鄭注 太平御覽 卷五百二十四

軍事共其犒牛

犒師之牛

凡祭祀共其牛牲之互與其盆簠以待事

互謂樞衡之屬盆簠皆器名盆所以盛血簠受肉

籠也

並同上

充人

凡散祭祀之牲繫于國門使養之

使養之使守門者養之

鄭注

展牲則告牲

展具也具牲若今時選牲也充人主以牲牷告展

牲者也

地官司徒下

載師

以壇里任國中之地以場圃任園地以宅田士田賈
田任近郊之地以官田牛田賞田牧田任遠郊之地

以公邑之田任甸地以家邑之田任稍地以小都之

田任縣地以大都之田任疆地

鄭注故書
或作境

壇讀爲廛市中空地未有肆城中空地未有宅者

民宅曰宅宅田者以備益多也士田者士大夫之

子得而耕之田也買田者吏爲縣官賣財與之田

官田者公家之所耕田牛田者以養公家之牛賞

田者賞賜之田牧田者牧六畜之田司馬法曰王

國百里爲郊二百里爲州三百里爲野四百里爲

縣五百里爲都

鄭注

凡任地國宅無征

任地謂任土地以起稅賦也國宅城中宅無征無稅也

凡宅不毛者有里布凡田不耕者出屋粟凡民無職事者出夫家之征

宅不毛者謂不樹桑麻也里布者布參印書廣二寸長二尺以爲幣易物詩云抱布貿絲抱此布也或曰布泉也春秋傳曰買之百兩一布又塵人織掌斂市之次布也布賁布罰布塵布孟子曰塵無

夫里之布則天下之民皆說而願爲其民矣故曰
宅不毛者有里布民無職事出夫家之征欲宅樹
桑麻民就四業則無稅賦以勸之也故孟子曰五
畝之宅樹之以桑則五十者可以衣帛

並同上

師氏

使其屬帥四夷之肆

鄭注故書肆或作肆

肆讀爲隸

鄭注

保氏

乃教之六藝一曰五禮二曰六樂三曰五射四曰五

馭五曰六書六曰九數乃教之六儀一曰祭祀之容
二曰賓客之容三曰朝廷之容四曰喪紀之容五曰
軍旅之容六曰車馬之容

五射白矢參連剡注襄尺井儀也五馭鳴和鸞逐
水曲過君表舞交衢逐禽左六書象形會意轉注
處事假借諧聲也九數方田粟米差分少廣商功
均輸方程贏不足旁要今有重差夕桀句股也祭
祀之容穆穆皇皇賓客之容嚴恪矜莊朝廷之容
濟濟蹌蹌喪紀之容涕涕翔翔軍旅之容闐闐仰

仰車馬之容顯顯堂堂注鄭

調人

凡過而殺傷人者以民成之

以民成之謂立證佐成其罪也一說以鄉里之民

共和解之春秋傳曰惠伯成之之屬注鄭

凡殺人有反殺者使邦國交讐之

有反殺者謂重殺也

凡有鬪怒者成之

成之謂和之也和之猶今二千石以令解仇怨後

復相報移徙之此其類也

並同上

媒氏掌萬民之判

主萬民之判合

鄭注

凡男女自成名以上皆書年月日名焉

成名謂子生三月父名之

凡娶判妻入子者皆書之

入子者謂嫁女者也

禁遷葬者與嫁殯者

嫁殯者謂嫁死人也今時娶會是也

並同上

司市

以政令禁物靡而均市

靡謂侈靡也

鄭注

以商賈阜貨而行布

布謂泉也

以貨劑結信而止訟

貨劑月平

大市日昃而市百族爲主

百族百姓也

並同上

奠賈上旌于思次以令市市師立焉

鄭注故書泣作立

思辭也次市中候榷也立當爲泣泣視也

鄭注

辭布者

鄭注故書辭爲辭

辭布辭訟泉物者

鄭注

亡者使有

亡者使有無此物則開利其道使之有

凡市爲飾之禁在民者十有二在商者十有二在賈

者十有二在工者十有

所以俱十有二者工不得作賈不得弼商不得資

民不得鬻

小刑憲罰

憲罰播其肆也

並同上

質人

凡賣債者質六市以質小市以劑

質劑月平買也質大買劑小買

鄭注

廛人

紵布

紵布列肆之稅布

鄭注

凡珍異之有滯者斂而入于膳府

謂貨不售者官爲居之貨物沉滯於廩中不決民
待其直以給喪疾而不可售賈賤者也廩謂市中
之地未有肆而可居以畜藏貨物者也孟子市廩
而不征法而不廩則天下之商皆說而願藏於其
市矣謂貨物儲藏於市中而不租稅也故曰廩而
不征其有貨物久滯於廩而不售者官以法爲居
取之故曰法而不廩

同上

胥師

察其詐偽飾行債歷者而誅罰之

債實也惡惡也謂行且賣姦偽惡物者

賈師

凡國之賣債各帥其屬而嗣掌其月

謂官有所斥令賣賈師帥其屬而更相代直月爲

官賣之均勞逸

司號

以屬遊飲食于市者

以屬遊飲食羣飲食者

肆長

陳其貨賄名相近者相遠也實相近者相爾也而平正之

謂若珠玉之屬俱名爲珠俱名爲玉而買或百萬或數萬恐農夫愚民見欺故別異令相遠使賈人不得雜亂以欺人

鄭注

泉府

物竭而書之以待不時而買者買者各從其抵都鄙從其主國人郊人從其有司然後予之

物揭而書之物物爲櫛書書其揭著其物也不時
買者謂急求者也抵故買也主者別治大夫也然
後予之爲封符信然後予之

鄭注

凡賒者祭祀無過旬日喪紀無過三月

賒賁也以祭祀喪紀故從官賁買物

凡民之貸者與其有司辨而授之以國服爲之息

貸者謂從官借本賈也故有息使民弗利以其所
買之國所出爲息也假令其國出絲絮則以絲絮
償其國出絺葛則以絺葛償

並同上

司門掌授管鍵以啓閉國門

鍵讀爲蹇管謂籥也鍵謂牡

鄭注釋文引司農音蹇居勉反集韻上

聲二十阮紀儼切
鍵字注引司農讀

凡歲時之門受其餘

受祭門之餘

鄭注

司關

國凶札則無關門之征猶幾

凶謂凶年饑荒也札謂疾疫死亡也越人謂死爲

札春秋傳曰札瘥天昏無關門之征者出入關門

無租稅猶幾謂無租稅猶苛察不得令姦人出入
孟子曰關幾而不征則天下之行旅皆說而願出
於其塗

鄭注

凡四方之賓客啟關則爲之告

國語曰周之秩官有之曰敵國賓至關尹以告行
理以節逆之

同上

遂人

五家爲鄰

田野之居其比伍之名與國中異制故五家爲鄰

注鄭

上地夫一廛田百畝萊五十畝餘夫亦如之

戶計一夫一婦而賦之田其一戶有數口者餘夫亦受此田也廛居也揚子雲有田一廛謂百畝之居也

及窆陳役

窆謂下棺時遂人主陳役也禮記謂之封春秋謂之塋皆葬下棺也聲相似

並同上

遂師

比其委積

鄭注故書
比爲比

比讀爲庀庀具也

鄭注

及窆抱磨

抱磨磨下車也

比敘其事

比讀爲庀

並同上

縣正

校執事

謂轉相佐助

鄭注

里宰

以歲時合耦于耜

耜讀爲藉鄭注

草人

凡糞種驛剛用牛赤緹用羊墳壤用麋

用牛以牛骨汁漬其種也謂之糞種墳壤多蚰鼠

也墳白色鄭注

彊柴用蕢

蕢麻也同上

稻人

以豬畜水以防止水以溝蕩水以遂均水以列舍水以澮寫水以涉揚其芟作田

漕防春秋傳曰町原防規偃豬以列舍水列者非一道以去水也以涉揚其芟以其水寫故得行水其田中舉其芟鉤也

鄭注

凡稼澤夏以水殄草而芟夷之

芟夷春秋傳曰芟夷蕞崇之今時謂禾下麥爲蕞下麥言芟刈其禾於下種麥也

同上

澤草所生種之芒種

澤草之所生其地可種芒種芒種稻麥也

鄭注文選卷

六左太冲魏都賦注卷十二郭景純江賦注並引末句

旱暵共其雩斂

雩事所發斂

注鄭

土訓

道地愿以辨地物而原其生以詔地求

地愿地所生惡物害人者若虺蜥之屬

注鄭

誦訓

掌道方慝以詔辟忌以知地俗

以詔辟忌不違其俗也曲禮曰君子行禮不求變

俗

鄭注

山虞

物爲之厲

厲遮列守之

鄭注

仲冬斬陰木仲夏斬陽木

陽木春夏生者陰木秋冬生者若松柏之屬

致禽而珥焉

珥者取禽左耳以効功也大司馬職曰獲者取左

耳

並同上

掌蜃

以共鬯鹽之蜃

春秋傳曰始用蜃炭言僭天子也

鄭注

祭祀共蜃器之蜃

蜃可以白器令色白

同上

圉人掌圉游之獸禁

圉游之獸游牧之獸

鄭注

舍人

以歲時縣種桂之種以共王后之春獻種

春王當耕于藉則后獻其種也后獻其種見內宰

職鄭注